

- É K R I ' W -

Mwen ka ékri'w pou fèw sav tousa mwen pé pa di'w:
Pas gadé'w dan zyé épi palé,
Mwen pa kwè an jou mwen ké pé rivé.
Mwen kay ékri'w anlè papié ou an tout kwen lari
La mwen pasé ou kay pé touvé
An tras, an sin, an mo ba'w mwen kité.

Pou ou li an fon nanm-mwen Pwofondè pasion-mwen
Tounen paj liv lavi-mwen Kè ou enspiré mwen
Ou pa bizwen réponn mwen Ou ni ka gadé mwen
Épi souri ba mwen.

Mwen kay ékri épi san-mwen, menm épi laswè-mwen
Anba soley ou anba lapli mwen lé rivé di'w sa ki dan tjè-mwen.

Refrain :

Pou ou li an fon nanm-mwen Sé listwa wou é mwen
Tounen paj liv lavi-mwen Roman lespérans-mwen
Ou pa bizwen réponn mwen Fo ou selman gadé mwen
Épi souri ba mwen (Épi souri ba mwen)

Yo di Yo di sa ki ékri ka nèté
Sé sa yo di Mwen lé nèté pou léternité
An fon an tiwa ou kay séré (Ou kay séré)
Chak mo, chak let mwen kay voyé (Chak let mwen kay voyé)
Pou chak fwa ou li dènié lin-lan Ou anvi rikoumansé.

Mwen ka ékri'w Tousa mwen pé pa di'w (x 4)

Refrain